

Huw Irranca-Davies AS  
Cadeirydd  
Y Pwyllgor Deddfwriaeth, Cyfiawnder a'r  
Cyfansoddiad

9 Chwefror 2023

Annwyl Huw

### Capasiti Llywodraeth Cymru i ddeddfu

Yn dilyn cyhoeddi ein hadroddiad ar gyllideb ddrafft Llywodraeth Cymru ar gyfer 2023-24, ysgrifennaf i dynnu sylw eich Pwyllgor at y bennod ar weithredu a datblygu deddfwriaeth (gweler tudalennau 48-50).

Yn ystod sesiwn graffu ar y gyllideb ddrafft ar 19 Ionawr 2023, dywedodd y Gweinidog Newid Hinsawdd wrthym fod y ddeddfwriaeth ar draws ei phortffolio ar y trywydd iawn ar gyfer y flwyddyn y mae wedi'i hamserlennu ar ei chyfer, ond mae'n ddibynnol ar ddeddfwriaeth sydd ar y gweill ac sy'n dod i rym gan y Senedd ar hyn o bryd, fel y gellir symud timau Biliau oddi yno ymlaen at y darn nesaf o ddeddfwriaeth (gweler Cofnod y Trafodion, paragraff 131). Ychwanegodd un o swyddogion y Gweinidog fel a ganlyn:

*"I think the biggest issue is the skilled resource that is needed to do this as well. The Government's got a significant legislative programme, which they want us to get through, which is quite right, but it's getting the resources in the right place at the right time [...] And, also, the central services main expenditure group, which a lot of this is paid from, has had a reduction, like everywhere else within Government. We haven't been protected from that. So, again, it's getting the balance and the optimisation so that we can take some of this through, but, as the Minister said, everything is on track in her area at the moment." (Cofnod y Trafodion, paragraff 139)*

Roeddem yn bryderus o glywed mai'r her fwyaf o ran darparu'r rhaglen ddeddfwriaethol yw'r "adnoddau medrus sydd eu hangen", a gwnaethom gytuno i dynnu sylw eich Pwyllgor at y pryder hwn.

Rydym yn nodi, yn eich adroddiad ar y gyllideb ddrafft rydych yn "cydnabod honiad y Cwnsler Cyffredinol fod gan Lywodraeth Cymru ddigon o adnoddau i gyflawni ei rhaglen ddeddfwriaethol" ond ei bod yn aneglur i chi a oes gan Lywodraeth Cymru ddigon o adnoddau i gyflawni'r holl ddeddfwriaeth y gall benderfynu ar unrhyw adeg sy'n angenrheidiol.

Gobeithiwn y bydd y dystiolaeth hon yn ddefnyddiol i chi wrth ichi barhau i fonitro capasiti Llywodraeth Cymru i ddeddfu.

Yn gywir,



John Griffiths AS

Cadeirydd

Croesewir gohebiaeth yn Gymraeg neu Saesneg.

We welcome correspondence in Welsh or English.